

欽定石渠寶笈續編

欽定石渠寶笈續編

第八十四

三山等處藏一

清漪園一

皇上御筆書畫

御臨鍾繇力命帖一卷

〔本幅〕宋牋本。縱八寸。橫一尺七寸五分。楷書。臣繇言。臣力命之用。以無所立。惟幄之謀。而又愚耄。聖恩低徊。待以殊禮。天下已定。帥土

欣戴。唯有江東。當少留意。既與上公同見訪
問。昨日讌見。復蒙逮及。雖緣詔令。陳其愚心。
而臣所懷膝之事。昔先帝嘗以事及臣。遣侍
中王粲杜襲就問。臣所懷未盡。冀益絲髮。乞
使侍中與臣議之。臣不勝愚款悽悽之情。謹
表陳聞。

顏筋柳骨休云云。世將家難薄右軍。而我更多
會心處。事不師古匪改聞。丙寅孟夏。偶臨鍾

繇力命帖。愛其淳古。輒題短句。今幸
展此卷。賞玩不置。因再臨一過。
寶二。乾隆宸翰。幾暇臨池。

引首

御筆。雲鶴清姿。鈴寶一。乾隆宸翰。

鑒藏寶璽。石渠寶笈所藏。

御臨三希文翰 一卷

本幅宋牋本。有退密。墨林珍玩。項子京家珍藏。天籟閣。墨林主人。子京父紹

墨林。項墨林秘笈之印。蒼巖子。諸印記。縱九寸。橫三尺二寸五

分。行書。

三希文翰

臨王羲之快雪帖。王獻之中秋帖。王珣伯遠帖。見

乾清宮所藏。御臨王羲之三帖卷。

是帖予臨摹已數十過矣。茲值積雪初霽。紙墨

清妍。輒復乘興作此。丁卯嘉平望後二日。御筆
鈴寶八。意在筆先。烟雲舒卷。乾隆鑑古。搗筆流
雲藻。乾隆宸翰。幾暇臨池。

後幅臣工題跋。

養心殿之三希堂。收貯三王真蹟。誠千古之墨
寶。寡二少雙。我

皇上萬幾餘閒。每當春風秋月之時。展玩不置。近
年以來。對本臨撫。不啻數十過矣。以此
御書日益進。龍跳虎卧之奇。印泥畫沙之妙。直方
駕古人而

聖懷謙抑。猶歉然未足也。近得宋箋橫幅。為楊李
項氏舊藏。彌加珍惜。乘興背臨。是卷精采更

煥發。蓋

御書得宋牋而益顯。宋牋亦因

御書而永傳矣。臣等捧觀之次。不勝欣幸。爰敬識

數語於尾。臣梁詩正。臣汪由敦。臣蔣溥。臣莊

有恭。臣嵇璜。臣張若澄。拜手恭跋。臣汪由敦

奉

初敬書。鈐印二。優游義府。臣汪由敦。

引首

御筆。以韻勝。鈐寶三。游六藝圃。乾隆。

鑒藏寶璽。石渠寶笈所藏。

御臨趙孟頫行草書 一卷

本幅金粟牋本。縱八寸。橫二尺四寸。行草書。
致樂堂詩。致樂堂者。集賢待制周君之
所以奉母者也。蜀都虞集為之賦詩曰。翼翼
新堂。有閭有房。夫人來居。既安既舒。既好既
寧。載煥載清。言關於門。以寫我誠。有高其馬。
有伉其軒。為子來者。允貴且賢。貴客達官。賢
有令儀。爾因爾宗。先君之思。翕而兄弟。具于

甘旨我飲我食。先君之子。詩言柔溫。禮言著
存。我撫我惠。先君之孫。康哉誰氏。維周壽母。
疇為致茲。周南仲子。君子善頌。文則多有。又
永歌之。以導燕喜。送高彥文秀才如京師。
陳衆中 太史公南遊江淮。上會稽。探禹穴。
窺九疑。浮沅湘。北涉汶泗。過梁楚以歸。太史
公胡為遠遊若是哉。蓋士不遠遊。則意氣不
舒。耳目不開。天地山川土豎郭邑之觀。鴻生

茂士耳。考論不衆。四方奇偉奧秘之說。不治
聞也。故孔子曰。士而懷居。不足以爲士矣。京
兆高秀才彥文。蚤嘗受業於同寬父先生之
門。既而以懷居爲恥。乃奮然出關。南渡大江。
亂彭蠡。以至吳越。登高望遠。訪前代得失之
迹。求故老之存者。而徵其遺聞焉。余錢唐得
彥文於泮。數與晤語。知其致趣之深曠也。至
元二年秋。忽來別余曰。吾將適齊魯。以達於

京師不能與子久處此。余曰彥文善遊矣。京師四方之會也。求於四方而有不得者。必得於其所會之地矣。以得諸四方者。而要之於京師。學博而反約也。彥文其亟往京師乎。國家方將纂前代之史。余他日聞有良史能馳聘古今。網羅天下之事。而筆勢豪宕。若太史公者。必彥文也夫。陸師顏字說。吳興陸觀復。靜厚而嗜學。從余游久。一日來請曰。觀

復。願先生賜之字。余謂生之名。其取諸易之
復乎。復之初九曰。不遠復。無祇悔。元吉。孔子
釋之曰。顏氏之子。其殆庶幾乎。有不善未之
不知。知之未嘗復行也。夫自始至剝。剝極為
坤。則無陽矣。一陽復於下。斯為反善之義。而
復之最先者。故不至於悔。大善而吉也。學者
能省察於一念之微。以求復夫本然之善。是
謂觀復。顏子之所以為顏子者。亦若是而已。

字生為師顏可乎。觀復再拜受教。余曰。未也。
孔子嘗以克己復禮告顏子矣。克己復禮。乾
道也。復之陽。即乾之陽。不遠復。即克己復禮
之復。以至於純乾。此顏子為仁事也。觀復其
師顏哉。至元後丁丑歲六月十九日。松雪書。
乾隆丁卯嘉平月。臨趙松雪真蹟於重華宮之
翠雲館。入冬望雪。是日彤雲密布。微霰徐飄。頗
有先集之思云。鈐寶二。幾暇怡情。乾隆宸翰。

〔引首〕

御筆。裏綿法。鈐寶三游六藝圖。乾隆。

鑒藏寶璽。研露烟雲舒卷。搗筆流雲藻鑑古。游六藝圖。石渠寶笈所藏。



御臨顏真卿麻姑仙壇記 一冊

〔本幅〕宋牋本。六幅。縱七寸五分。橫五寸五分。
前五幅楷書。

臨顏真卿麻姑仙壇記

見淳化軒所藏
御臨顏真卿麻姑仙壇

記
跋

乾隆戊辰新正人日偶展唐搨是帖。因用晉研
拂宋牋。命筆一臨。鈐寶二。幾暇怡情。乾隆宸翰
後一幅。水墨畫虛亭磐石。遠岫喬柯。款

余既臨顏帖。後幅藏牋。溫潤可愛。爰倣雲林法
製此。三希堂識。鈐寶三。比德朗潤。幾暇臨池。

鑒藏寶璽。古希天子。五福五代堂。古稀天子寶。石
渠寶笈所藏。

御筆畫青芝岫 一卷

本幅宣紙本。縱一尺一寸。橫三尺六寸。水墨。

畫石標名青芝岫。飛白書。并題。

我聞莫釐縹渺乃在洞庭中。湖山秀氣之所鍾。
爰生奇石竅玲瓏。石宜實也而函虛。此理誠難
窮。誰云南北物性殊。燥濕。此亦有之。殆或過之
無不及。君不見房山巨石磊豈岌。萬鍾勺圉初
築葺。旁蒐皺瘦森笏立。綆幽得此苦艱澀。致之

中止卧道旁。覆以葭屋。繚以牆。年深屋頽。牆亦
廢。至今竅中生樹。拱把強。天地無棄物。而况山
骨良。居然屏我樂壽堂。青芝之岫。含雲蒼蘿。崑
刻削。裒直方。應在因提。疏仡以前。闢元黃。無斧
鑿痕。剖吳剛。雨留飛瀑。月留光。錫名題什。翰墨
香。老耒皇山之石穴九九。未聞一一穴中金。幢
玉節紛縈糾。友石不能致。而此致之。力有不同
事有偶。智者樂兮。仁者壽。皇山洞庭夫何有。

米萬鍾大石記云。房山有石長三丈。廣七尺。色青而潤。欲致之勺園。僅達良鄉。工力竭而止。今其石仍在。命移置萬壽山之樂壽堂。名之曰青芝岫。而系以詩。既鐫識石間。並為摹寫成圖。錄詩于右。以記緣起。辛未仲夏中澣。御筆。並識鈴寶七。靜中觀造化。乾隆。含豪邈然有典。有則讀書依竹靜。摘藻為春。

引首

御筆。魁然屏秀。鈴寶。乾隆御筆。

鑒藏寶。萬壽山清漪園。五福五代堂古稀天子
寶。八徵耄念之寶。寓意于物。用筆在心。石渠寶
笈所藏。

御筆畫梅花 一卷

〔本幅〕金粟牋本。縱六寸八分。橫一尺九寸四分。水墨畫梅花橫枝數

竿。未長至夜秉燭法王元章筆意。於三希堂鈐寶五。幾暇怡情得佳趣。一甌香乳聽調琴。寫心繪月有色。水有聲。

〔引首〕

御筆。見天地心。鈐寶一。乾隆宸翰。

鑒藏寶璽石渠寶笈所藏

御書無逸真草二體 一卷

〔本幅〕明仁殿牋本

有明仁殿八分書紙記

縱七寸橫六

尺九寸四分。真草書周書無逸。

經文每行相

間并題。

訪落殷憂慎始圖。昌言一帙擬三謨。為元后則
時天若知小人依所逸。無亨國明標四迫哲。發
端深致七嗚呼。詎惟尚父丹書繼。信是千秋帝
範模。乾隆辛未秋九月。御筆書并題。鈐寶三。

游六藝圃。乾隆。

引首

御筆。其監於茲。鈐寶。乾隆宸翰。

後幅臣工恭跋

無逸一書。於民依天命。及國祚久暫之故。三致意焉。而結以嗣王其監於茲。洵千古作君之極軌也。我

皇上勤求民莫。宵旰不遑。較之殷周。今辟。實有過

之。每於

輔座之旁。輒大書全篇。懸之素壁。時時休日。劇心

又於

幾暇。仿趙孟頫片真草一體書成。此卷并題長律。

於後曰享國明標四迪哲發端深致七鳴呼
可謂揭其大要矣以此

思日孜孜保泰持盈惟敬作所誠得是篇之明效
大驗也至二體書法龍蟠鳳翥方駕右軍則

天縱多能非唐以下名家所克登其堂而審其裁

者臣等捧觀之次即欽

大筆之獨幸惟

聖揆之同竊附數言於末以志深幸云臣梁詩正

臣蔣溥臣汪由敦臣嵇璜臣觀保臣義曰修

臣董邦達臣金德瑛臣錢維城臣于敏中拜

手敬謹

惟天行健惟聖同符公旦誥王無逸成書宋

璟嚴君無逸繪圖我

皇監觀書於尺幅敬德所闡惟日不足表裏幽風

警心觸目幸王敬作所所其無逸功彌醇滿

皇書之。期於密勿。食息動靜。協於克己。我

母或離馬。幸周家開基。實維后稷。食為民天。

皇書之。首重艱食。身居法宮。心周疆場。為民祈年。時萬時億。三有殷三宗。

勤勞斯壽。血氣循軌。精神固守。享祚綿遠。得天獨厚。我

皇書之。主敬自強。主敬毋怠。自強無荒。善氣導迎。萬壽無疆。如太王王季。抑畏敬天。文王勤民。懷保


皇書之。篤念惠鮮。累世咸和。扶植顛連。我

前德。天作高山。發祥長白。配命作求。永永無斁。五知小人。依貴於允。蹈知而不知。民病曷康。三

皇書之。宗文王。追勉克己。我自斯也。修經古區。處矩無弗絜。先後同機。

商周比勳。誓更端。惟古冠以鳴呼。意在言先。
慮深遠乎。當嗟作訓。乘嘆陳謨。我
皇書之。等於呼吸。彼在廷者。慎勿廢弛。誰規守成。
抒董放愚。責難事君。皇心為政。無違一篇。
始終祇敬。唯茲承天。唯茲凝命。我
皇書之。援古勵今。代金鏡錄。當大寶箴。其監於茲。
一哉。
皇心。乾隆辛未嘉平之吉。禮部侍郎致仕臣沈
德潛敬題。鈐印二。臣。德潛。

鑒藏寶璽石渠寶笈所藏。



御筆書畫合璧

一冊

本幅金粟牋本。七幅。縱六寸三分。橫七寸三分。前六幅。右水墨雜畫。并識。左書。

御製詩。第一。湖石樓樹。識。

無塵子雅合以醉道士配之。乃不俗也。鈴寶三。
含虛。朗潤。研露。左書。

青牛經雨莓苔潤。綠鳳因風韶濩鏗。冰雪雅懷
深契處。介然靜復灑然清。鈴寶二。如是觀。吟詠

春風裏第二。盆中吉祥草識。

吉祥草。名色俱佳。允宜書齋清供。鈴寶二。漱觀。
叢雲。左書。

大地春光盡早成。花花葉葉自舒榮。品題却倩
幽人筆。靜對蕭齋意轉清。鈴寶二。忘機心字曠。
繪月有色。水有聲。第三。仙人竹下撫几識。

做元人老人墨法。以不似似之。鈴寶三。清玩。比
德。樂天。左書。

熱殘香篆更分茶。石榻支頤夕照斜。底事板橋
絕響屐。不教俗客到仙家。鈴寶二。水月兩澄明。
化工四氣為全施。第四。梯子佛手識。

寫生與山水同法。以氣韻為勝耳。鈴寶三。幾暇
怡情。得佳趣。得象外意。左書。

閩南塞北地非隔。秋實春華體不分。無定相中
常定相。旃檀風繞吉祥雲。鈴寶二。寫心。至味寓
澹泊。第五。散馬識。

龔開駿骨圖。茲寫其意。鈴寶二。染翰。齊物。左書。
底須市取費千金。官字還堪六印尋。今夕賁然
同照夜。詩人三咏寄遐心。鈴寶二。浴德。寓意于
物。第六。竹樹茅亭。識。

雲林迂懶。其山水遂似之。此所謂能傳情性者
耶。鈴寶三。會心不遠。德充符。秀色入牕虛。左書。
笠檐四柱絕纖塵。嵐靄峯巒變態新。底事亭中
無坐客。讓他千古看山人。鈴寶三。乾隆。即事多。

所欣末一幅總識。

冬月明窓。於金粟牋點筆成樹石卉。蘇人馬山水小景。並書舊作絕句於左。覺筆端勃勃有天趣。孫虔禮論書。以神怡務閒。紙墨相發。偶然欲書。為合。此正可為知者道耳。辛未長至前三日。御識。鈐寶二。烟雲舒卷。乾隆宸翰。

鑒藏寶璽。石渠寶笈所藏。

御臨西園雅集圖記 一冊

本幅金粟牋本。五對幅。每幅縱二寸五分。橫二寸。小楷書。

臨米芾西園雅集圖記 見 乾清宮所藏 御筆米芾西園雅集序冊。

款

乾隆壬申。御臨米書於避暑山莊。鈐寶二。比德朗潤。

鑒藏寶璽 石渠寶笈所藏

御筆萬壽山五百羅漢堂記 一卷

本幅蠟牋本。縱一尺三寸。橫八尺六寸五分。
行書。

萬壽山五百羅漢堂記。調御丈夫作天人師。
世出世間。示權變法。以度衆生。得其門而入其
室者。自小乘進至四果。方得謂之羅漢。故楞嚴
經富樓那言。我於佛前。助佛轉輪。因獅子吼。成
阿羅漢。十六應真之號。諸經皆有。而大論則云。

五千羅漢。其力最大。金剛經須菩提言。世尊。我若作是念。我得阿羅漢道。世尊則不說須菩提是樂阿蘭那行者。是知五千不為多。十六不為少。五百羅漢堂之作。抑亦槩於是乎。昔蘇東坡有薦誠禪院五百羅漢記。其言曰。僧應言將造五百羅漢於錢塘。而載以歸。夫羅漢何處不可造。而必錢塘乎。及卒。未南巡至浙。若雲林。若淨慈。無不有五百羅漢之堂。乃知五百之名。始自

錢塘其來久矣。歸而萬壽山之大報恩延壽寺適成。寺之西有隙地。因命築堂以肖錢塘。第雲林淨慈皆五百列坐。斯乃置山林溪澗宮殿其中。俾步以入者。後先左右與袈裟鉢錫之侶相周旋。若夫行住坐卧。不拘一律。又非盡跏趺之死灰槁木已也。於諸境界各取梵經所載以標其名。而五百人者。不復一一為之安名立字。所為不即不離如是如是而已。甲。祇樹園者。

金剛經所云佛在舍衛國祇樹給孤獨園與大
比丘等說法之所也。以杖錫擔椶毛坐具者。一。
執如意者。一。執卷軸者。一。肩杖履若達摩者。一。
執經冊者。一。矮而攜筇竹以行者。一。皆若欲入
園門而往聽法然者。門之內。步崖側者。一。踞石
坐者。一。立峯頂而向下窺者。一。峯迴路轉而為
獅子窟。所為善獅子吼施無畏聲者。是以手指
雲過。似示人以路者。一。合十隻手而執靈壽杖。

者一。拂而左。鉢而右。立於兩傍者二。崖之巔抱
膝而坐者一。以手指地若諮啟者一。搖手者一。
憩樹下者一。澗旁嵌穴而露半身者。捻數珠者。
迴首顧者。將前却者。閉雙目者。嗒然笑者。倚杖
坐者。豎一指者。手擎卷者。坐撫膝者。披經示者。
瞪目觀者。手揮拂者。俯流泉者。顧而問者。凡十
五。澗之彼岸。荷禪杖飛行。為撒手懸崖者一。徐
而步者。負囊者。走且顧者。二人持一杖者。嗅天

花者。振錫者。為思想者。凡八。而獅子窟之事畧畢。乙。過獅子窟。則為須夜摩洞。須夜摩者。

此云善時分也。洞之內。坐而手持桃者。立而合掌者。袖手者。問訊者。凡四。見於巖之穴者。三。或捧腹。或槃陀。或撫石。狀各別。引雙手者。一。拄木杖者。一。璽瓏峯之內。或見半身。或見其首者。二。垂膝坐而磕睡者。指經冊者。叅究者。捧香鑪者。笠而執拂者。持經函者。則而據石坐者。擇室堵。

波者凡七河之中。立而攬雙手者一。立擘雙手

於胸者一。河之裔。端坐持斫訖羅。此云於胸前

者一。擲杖為龍飛去者一。前而行後而附其臂

者凡二。又前而却視者一。坐石窟者。立其側者。

擲揄者。凝目視者。凡四。舞鏡鉞者二。坐而觀空

者二。洞之右。為阿伽橋。阿伽此云水也。橋之北。

閉目而坐於壑岫間者一。拱雙手而立者一。執

如意行者一。堵隙棄羅。此云行者一。隱現而見

此云

於峯隙石旁。若笑若戚。若語若默者。凡四。抱膝
坐而迴睇者一。雙拳手者一。挈杖且扶及所扶
者二。合掌立者一。接手仰視山。背者一。俯而若
荅者二。度橋而南。扶智杖偏袒兩肩者一。合掌
者一。托鉢鎔者一。坐嶺上。挺右臂摘星者一。振
德杖者一。持應龍對語者二。怒者。喜者。欠伸者。
垂膝者。垂頭者。凡五。提鉢塞莫。此云數珠者一。步屨
磣道者一。偃僂者一。振鐸者一。轉而右坐阿樓。

那崖

阿樓那者香華如日出前紅赤相云

鉢中生青蓮花者一立

其側者二岸之畔舉一指出乾闥城者一若指

人以正路者一袒襦雙臂若擲拂子者一撫膝

不語者一立而問者疑者對者是者非者服者

不服者自思者凡八過此而為摩偷地矣丙

經云三天有摩偷地在須彌四陲住於是而

證四果曰須陀洹曰斯陀含曰阿那含曰阿羅

漢者凡四叅六波羅蜜曰布施曰精進曰持戒

曰忍辱曰禪定曰智慧而各執一義者凡六。參
六種性曰習種曰長養曰性種曰不可壞曰道
種曰正法而各執一義者凡六。於六波羅蜜而
不住者一。於六種性而善離者一。竊然而深處
於摩訶窩者三。摩訶有三義。謂大。多。勝。各持一
義而究之。出石洞口而若有遲者一。坐而監天
龍指者一。並肩行者二。接武行者三。揜拳作相
撲者二。立而觀者二。背而弗觀者一。共語者二。

以屈胸

此云大細布

拭背者一轉而為徒多橋西域

記所云冷河者也立此岸而振九連環杖者一

著僧伽梨而乘馬於河中者一牽者一向而頂

禮於此岸者一右膝著地舉一手啓請者一彼

岸卓立翠微者一跌而拋鉢多羅

此云應器

者一搖

扇者戲獅子者揮麈尾者握蓮花者數阿唎吒

迦

此云數珠

者支頤者凡六立水中壺盧上者一橋

之右立水中石砥者一浴者二將浴者三浴罷

者二。持淨瓶者一。雙手抖擻數珠者一。見於叢
穢間。或肥或瘠。或肥瘠適中者三。堯峯拔起
而立於最高處者一。歎仄以下得消平可立二
人。一老者一壯年者。又緣而下。地遂廣。把花籃
者。戴箬笠者。承貝葉者。騎白象者。凡四。綿谷沿
緣以進。趨步徐步連步展步者亦四。却望而俟
之者二。將為五體投地頂禮者一。合掌為恭敬
者三。此則彌樓前或至或未至者。彌樓者此云

光明七金山。法華談經之所。因以天竺紫金光
如來像供之。樓之背峭壁千尋。不可上下。一石
撐澗底。而亘立于雲霄。是則砥柱也已。柱之旁
一鬚者。一不鬚者。鬚者拍不鬚者肩。而不鬚者
枝月牙杖云。下。岬然窪然。尺寸千里。迴不
可窮。宏不可際者。曰兜率陀。兜率陀者。妙足之
謂也。宴坐而談四大者。四曰地。曰水。曰火。曰風。
遙向望而瞻禮者。二。促膝坐而談二白法者。二。

曰慙。曰愧。獨坐而究無生者一。以拂拂之者一。

展瞿修羅

此云
國像

而視之者二。為食施五福相者

五。曰富。曰壽。曰顏澤。曰多力。曰身安。參楞伽三

種波羅蜜者三。曰世間。曰出世間。曰世出世間。

參圓覺三無礙法界者三。曰靜。曰幻。曰寂。戊

兜率陀之南。則功德池。八功德水。出佛攝受

經。往而浴者。凡十三。執珊瑚者。徒步者。曳杖者。

走而却者。繫壺盧中出蜃氣者。疾足躡足。蹠足。

舉足行者擁膝。盤膝側膝。捫膝憩者。池彼岸為
坻。為嶼。高下相錯。坐而撫雄獅者。一促膝觀者。
一獨坐止觀者。一立而證三種羅漢果者。三曰
慧解脫。曰俱解脫。曰無礙解脫。戲子母虎者。一
揚拳欲搏之者。一拒而止之者。一坐池邊叅華
嚴六相者。六。若總相。若別相。若同相。若異相。若
成相。若壞相。杖而將至溪邊者。一伸左臂其長
不可量。而入水促月者。一坐其側觀者。一橫溪

則為信度橋。所為菩薩化為龍王流出信度河者。是橋之西。坐而隻手持輪者。一橋之東。坐穹洞臂腹見佛相者。一向而作禮者。六讚之歎之悲之欣之敬之慕之情不一。背而立者。一洞之陰。藉草坐石者。四振衣者。舉扇者。閉目入定者。擊擊子聒之者。狀不一。轉而南。則為香巖。步巖洞將出者。一旃檀功德佛相在焉。合掌作禮者。一執經者。執法供者。執七寶如意者。凡三嶽崎。

旁出坐深穴中者二。若不知有佛者然。其知之
乎。其不知之乎。吾安得而知之。已。樹之名
不可窮也。有菩提。有娑羅。有尼拘律陀。有多羅。
而賅之曰梅檀林。輪囷蒙絡。槎枒搖綴。日照之
為空色。風拂之為空音。偃息其間者。則有智者。
黑者。赤者。黃者。白者。面之色各殊。嘖者。顰者。吁
者。听者。引者。呿者。呻者。面之狀各殊。若是者。凡
十二。自頂門出。嬰兒者。一。八三摩提。毒蟲魑魅。

擾之而不動者一。將出洞門。手持拂子。絲颯颯。下垂者一。出林洞。則湏彌頂。此云妙高也。未至頂而徘徊於翠巖間者五。若獐貌。若嬉貌。若善貌。若不善貌。若美貌。立於頂之上者八。若長身。若短身。若麤身。若細身。若壯身。若弱身。若偉身。若孱身。步蜿蜒石徑。將往法華所謂善現城者六。踰而行者。趺而行者。跏而行者。蹻而行者。踞而行者。踰而行者。立善現城當門而呌者一。若

曰此不易入云爾。庚。振衣千仞之岡。若跣
足者。婆娑大樹之下。若鉤膝者。若深目者。若痒
耳者。若哆口者。獨立詭石之側。若方面者。侶武
羊腸之逕。若疎眉者。若曲碌腰者。若彈指者。若
碧眼者。徘徊谿谷之幽。若挺臂者。若台背者。若
拳擎手者。踟躕碧岫之旁。若隆臯者。結伴峭蒨
之叢。若剖胷者。若露肘者。若露齒者。若宣舌者。
是皆得於金田及陀羅峯之間。凡十八。金田者。

布金之田。而陀羅者。即所云能持集種種善法云。辛。極神通之變而莫可究範者。莫過於阿羅漢矣。則有若自手劈面而復露一面者。以手捧膝。踣立而旋轉無窮者。以手按膝。作胎息導引法者。喚鉢而興雲者。揮手而生風者。擎一樹而三千年開花。三千年結子。如西池蟠桃者。怡而為春舒者。笑而為夏長者。怒而為秋落者。戚而為冬藏者。說如不說者。不說如說者。示如

不示者。不示如示者。劈胸見佛。端坐者。艱艱而
不覺其長者。侏儒而不覺其短者。臃腫而不覺
其肥者。端坐琢齒漱舌。為化身坐忘法者。四肢
距地。伸縮引氣。為鹿戲法者。頽形雕容。而相好
具足者。伸一指而具空色。二諦者。伸二指而具
非空非色。一諦者。微笑不言。而具空色。非空非
色。皆非諦者。凡二十四。皆聚於雞園。得見如來。
取初成道。如楞嚴懺陳那五比丘所云者。壬。

仙人鹿野苑者。辟支佛所住。世尊亦於此成道。遙向室羅筏而頂禮者一。旅而進將受教者二。騎鸞鳳行空而來受教者二。室羅筏者。世尊談華嚴之所。林曰逝多。園曰給孤獨。大莊嚴重閣在焉。梵天紫金光如來。據七寶座而為說法。一切菩薩天人八部之所圍繞。不可量數。自重閣黃緣而下。繚而曲窈而深者曰耆闍崛。山形如鷲。亦名鷲嶺。撞鐘者一。鳴鼓者一。擎木魚者

一。由山逕降而復升。抬手者一。搖手者一。搭手者一。斂手者一。展手者一。揚手者一。披蒙茸躋嶺岼。則見所謂舍利塔者。扶攜行者二。握手行者二。拾級登者一。欲登且止而悟眼之見色耳之聽聲鼻之嗅香舌之辨味身之知觸意之思法者六。及登塔院。繞塔而悟四種性智者四。曰大圓鏡智。曰平等性智。曰妙觀察智。曰成所作智。塔之下。峯益峭。樹益密。逕益險。坐雲竇。雙手

拖眉至地者一著鬱多羅繒

此云七條衣。

者一瘦骨

立者一磬折者一盤曲出幽可達蜂臺癸

佛說法四十九年未曾說一字而謂有所說法耶。所說法不可得而謂有聽法及於法得度者耶。而謂有西天震旦種種世界國土之分別耶。蜂臺者吾知其為天竺世尊誦經之處乎。吾知其為樊枕詩中所云者乎。則有若叅禪那者。有若持戒律者。有若演大論者。有若譯經論者。有

若搖扇思者。有若扶刺竭節

此云杖

思者。有若默

坐思者。有若倚樹思者。有若掇籃思者。有若捧
冊思者。有若擗石思者。凡十一。大溪橫其前。野
竹可步過。頽頽其面者。襜襪其身者。吟噓其口
者。凡三。皆若有所佇。推婁開硤。裏窕沖融之間。
若有路。若無路。若可見。若不可見。而呖爾。吟爾。
卓爾。提爾。攜爾。介爾。率爾。莞爾。啞爾。駢駢爾。灑
灑爾。猗猗爾。涼涼爾。悠悠爾。若是者。凡十四。溪

流益濶。橋益長。其名曰毘訶羅。此云遊行處也。
橋之南。衆眼受色者。耳受聲者。鼻受香者。舌受
味者。身受觸者。意受法者。凡六。是受者。非受者。
凡二。能受者。所受者。凡二。非能受者。非所受者。
凡二。絕嶺之上。各露半身。遠而睇而衍而者。凡
三。石室之中。攢簇而立。粲然。肅然。漠然。怡然。凜
然。隤然者。凡六。極下。北穴。盲隘以深。寂若。邈若
者。凡二。隔岫。顯若者。一。緣磴而上。躍如。坦如。招

如昂如迢如仙如。軒如。泊如。侃如。繡如。如如者
凡十一。磴側峭壁之下。圩其頂而凹凸其面者
凡二。一按雙手於腹。若運氣然。其一挺一臂向
空而握一拳當胸前。坐其旁而持結夏具者三
一以淨瓶植珊瑚。一以玻璃盃貯修陀。以云天食其
一展畫卷。華嚴所云露山者在焉。穿洞而出亦
可達香巖洞之左。立而持鎖子者一。坐而結手
印者一。洞之右。展雙手若取物者一。執朶蓮者

一杖頭繫壺盧畫卷雜物而執之者一執舍羅

此云壽也

者一據洞頂一手持摩尼珠而戲天龍者

一飛流直下自龍口出即信度河源也其菩薩

所化為龍王者乎盤桓嵒嵒之峻若坐若立者

八則究涅槃八味者也若常住若寂滅若不老

若不死若清淨若靈通若不動若快樂紆繞而

下得稍平立者四則諸賢首四事者也為理為

事為事理為事事轉而又下立平石者二則思

楞嚴二殊勝者也。曰上合聖。曰下合凡。翹立澗

邊。以軍持

此云深瓶。

接懸泉者一。以二鐵鉢接者一。

既接水而灌漱罷者一。嗅優鉢曇花者一。彈指

者一。持七寶輪者一。跏坐者一。別為一旅騎麟

麟而行者一。前後擁護供養者凡八。持淨水者。

澡水者。香者。花者。燈者。塗香者。食者。樂器者。復

有六。曰執鏡者。曰執琵琶者。曰執炷香者。曰執

蒲闍尼

此云正食。

者。曰執震越

此云夜。

者。曰執如意寶。

者。復有二。曰供養作供養觀者。曰供養不作供養觀者。五百羅漢之蹟。于是乎畢聞。萬壽山五百羅漢堂。實權輿南屏淨慈寺。乙酉春閏。巡蹕經湖上。印証之餘。因書茲記一通。付寺僧藏。適得佳紙。尺幅與前埒。復寫此卷。裝攜行篋中。應真因得如來無所住諦者。不即不離。非彼非此。余亦何容作分別相耶。御筆。鈐寶二。乾隆

引首

御筆。因文印相。鈐寶。乾隆御筆。

鑒藏寶璽。古希天子。壽五福五代堂古稀天子寶。
筆花春雨。心清聞妙香水月兩澈明入眼秋光。
盡是詩。萬壽山清漪園石渠寶笈所藏。

御筆芝屏賦

一冊

〔本幅〕金粟牋本。八幅。縱四寸五分。橫九寸。行書。

芝屏賦。我聞芝之種類甚繁。抱朴論之最精。具五色而表瑞。得千歲以延齡。光可照夜。洞若堅冰。朱柯翠羽。三秀九莖。乘車覆雲。返矢辟兵。若是者不可更僕而數。而非所論於吾之芝屏。夫其生於千仞之岡。長自十圍之木。君遷古度。

之倫。平露宿連之屬。元氣之所絀絀。甘雨之所
滲漉。遊世無悶。猶輕漢代之歌。升仙亦虛。豈作
松子之服。徒觀其面也。層層蟠錯。縷縷蟬聯。撐
如蓋而團如盤焉。繼觀其背也。既玲瓏而又相
附。雖妥帖而實便嫗。香似桂而燦似蓮焉。伊何
人之選質。乍我座而為屏。既切清防之義。匪誇
延壽之名。吾獨怪其挾不老之姿。而岸然辭故
土。以成器也。靈乎不靈。丁亥仲秋上澣。御筆。

鈴寶二得象外意。乾隆宸翰。

鑒藏寶璽石渠寶笈所藏。

御筆萬壽山羅漢堂記一卷

〔本幅宋牋本。縱九寸五分。橫七尺五寸。行書。

萬壽山五百羅漢堂記

見上卷

乾隆三十三年戊

子夏五之朔。御筆鈐寶二會。心不遠。德克符。

〔引首〕

御筆。真言證果。鈐寶一。乾隆宸翰。

鑒藏寶璽如如。中和。惟精惟一。如是觀。歡喜園石。

渠寶笈所藏。

御筆讀公羊 一卷

〔本幅〕蠟牋本。縱一尺一寸。橫一尺八寸。行書。
讀公羊。公羊於隱公之何以不言即位也。曰。
成公意也。既又申其義曰。立適以長不以賢。立
子以貴不以長。夫成公意是矣。而以長不以賢。
以貴不以長之說實甚謬。蓋以貴不以長。或者
祛諸孽覲覲之心。猶託於各安其分之義。至於
以長不以賢。則均貴也。均貴則擇賢棄不肖。有

何不可。而亦必為之防微杜漸。曰以長不以賢乎。且啓賢而賤。辛貴而不肖。立辛而商以亡。是非萬世之炯鑒乎。余以為棄辛之貴。而立啓之賤。猶不至於屋商之社。夫商之宗祀不絕。與棄貴而立賤。其是非輕重。必有能辨之者。知此則公羊之說之謬。不亦章章明甚哉。而劉頌引其言。以為事情之不可易者。識見庸愚。固不屑再聞矣。且以天下與人易。為天下得人難。堯舜禹

傳賢傳子之事韓愈論之詳矣。夫與賢之說後世固不可行。顧於諸子中獨不可擇賢而與之。必拘於以長以貴之小節。而不為天下萬民擇賢君而立之。是直以祖宗社稷為輕。而以已妻媵娣為重。千金之家有所不可。而況天下萬民之大乎。或曰後世嬖幸妻而立少子。以致敗國亡家者。亦有之矣。不若守公羊之言為無患。雖然。嬖幸而立少。十未必有其一二。不擇賢而守

分將十必居其七。審是言則公羊之說為宜從。
乎為不宜從乎。庚寅夏閏月下澣御筆。鈐寶
四。學鏡千古。乾隆幾暇臨池。

引首

御筆。以理為衡。鈐寶一。乾隆御筆。

鑒藏寶璽。石渠寶笈所藏。

御筆書小序考 一卷

〔本幅蠟牋本。縱一尺八分。橫四尺一寸五分。〕
行書。

書小序考。謂劉歆班固誤以孔子纂書為序者。出於蔡沈之集傳。謂鄭元馬融王肅並云孔子作書序者。出於孔穎達之疏。穎達且謂為書作序。不作詩序者。此自或作或否。無義例。以余思之。詩序既非夫子所作。則書序亦定非夫子

所作。何言之。使書序辭義精於詩序。則為夫子所作。或不可知。今書序遠遜詩序。朱子亦以為非夫子所作。而馬端臨且謂詩序不可廢。書序可廢。是知書序乃出於漢儒所為。徒以不能定其為誰。且相傳已久。未可損棄耳。蔡沈作書傳疏。其可疑者。附於卷末。可稱具卓識。而王天與尚書纂傳。及監本尚書注疏。仍列於前。雖姑從漢孔氏之例。然未免有擇焉不精之疵矣。至我

皇祖欽定書經傳說彙纂全錄蔡沈攻駁書序之語
復採朱子及諸儒糾正之說。抉疑示的。足為千
古定案。故茲不復贅論書序之非。而特定書序
為非夫子之作。書於王天與纂傳之卷端。戊
戌孟夏月上澣。御筆。鈐寶四。乾隆學鏡千古含
英咀華。

引首

御筆。

祛疑衷聖。

鈐寶一。乾隆御筆。

鑒藏寶璽石渠寶笈所藏

御筆寫生花卉一卷

〔本幅〕宣德牋本。縱六寸。橫五尺一寸五分。水
墨畫梅蘭杏花。山椿桃花。牡丹。梔子花。魚兒
牡丹。蝴蝶花。分題。

先春一枝可以見天地心。谷芳自媚。可謂幽
人貞吉。一簾紅雨。正與點染相映發。佳卉
含貞元理。即此驗造物日新之功。旖旎中有
餐霞意。故當和露寫之。領袖衆香。自然富貴。

風韻不與凡伍。參以鼻觀。儼入芬陀利室。
魚佩垂垂。嫣然曉風清露下情致。生意栩栩。
然化工之妙。真不可思議。興到寫生。不規規
於白陽石田間。是以造物為師者。乙巳仲春御
筆。每段分鈐寶。見天心。幾暇怡情。得佳趣。會心
不遠。體仁。寫生。惟精。惟一。大塊假我以文章。叢
雲。中心止水靜。

引首

御筆。神會生機。鈐寶。古稀天子之寶。

鑒藏寶璽。五福五代堂古稀天子寶。八徵耄念之
寶。墨雲。用筆在心中。和比有同春。寓意于物。研
露石渠寶笈所藏。

御筆命各省徹現任官生祠及德政碑詩以誌事

一卷

〔本幅〕蠟牋本。縱一尺一寸三分。橫二尺九寸。
行書。

命各省徹現任官生祠及德政碑詩以誌事。有

序。

為政以實不以文。漢唐以來。名臣循吏載

在史冊者。不可屈指數。何待立祠勒碑。始傳後
世。棄實政而務虛文。韓愈尚不免諛墓。其他

烏足道哉。因降旨令各督撫詳查各省現任官生祠及德政碑。已盈千累百。名臣循吏果如此之多乎。是皆出於畏勢力獻諂媚之為。及其人去而被唾罵者。不知凡幾矣。因命並徹去之。以彰直道之公。存春秋之義。並系以詩。韓愈且腴墓。其他奚足云。衡言泛觴濫德。政立碑紛。果有龔黃蹟。寧愁陵谷分。生祠並宜徹。寔政勉教慤。大吏應端表。屬員斥效勤。春秋書法在。知罪

任儒羣

既思是舉。或非善善欲長之義。然而社詐偽欺實政於風俗不無小補。知我罪

我。亦任俗儒橫議而已耳

乾隆丙午新春御筆鈐寶二古

稀天子之寶。猶日孜孜。

〔引首〕

御筆

飭誣敦治

鈐寶一。古稀天子之寶。

鑒藏寶璽石渠寶笈所藏

御筆書孟子對萬章焚廩浚井事 一卷

本幅金粟藏本縱七寸橫一尺七寸四分行書

書孟子對萬章焚廩浚井事 辨古人之事而不折衷於理。雖有懸河之口。炙轂之智。徒資踳駁而無當於事。如舜之焚廩浚井是矣。夫此事始於萬章而成之於司馬遷。遂令後世咸以為必有。而余則以為必無。亦惟折衷於理而已。夫

舜大孝者也。蒸蒸人。不格女嬃。是瞽叟與象。亦有
所回心矣。於是帝妻以二女。百官牛羊倉廩備。
則是時。叟與象。亦不能使之完廩浚井矣。且捍
笠而下。匿空而出。是舜預有所防矣。有所防。非
孝子之心也。申生且弗為。而謂舜為之乎。使叟
象果有其事。舜亦惟叩首泣血。求之於叟而已。
求而弗得。舜亦必不為申生之勇於從而順命。
將陷父於不慈。所為小杖則受。大杖則走。舜亦

必有以處此矣。孟子之對咸邱蒙不曰齊東野人之語乎。然則萬章之問亦當以齊東野人之語折之而不荅。何必費辭。後世若劉知幾、蘇轍、羅泌雖皆見及此而未嘗折衷於理。以謂必無其事。且費辭予故詳敘而簡論之。乾隆丙午仲冬御筆。鈐寶二。古稀天子之寶。猶日孜孜。

引首

御筆 察倫衷理 鈐寶一。古希天子。

鑒藏寶璽石渠寶笈所藏

御筆寫生六種 一冊

〔本幅〕金粟牋本。六幅。縱七寸五分。橫五寸五分。水墨畫枯木蘭花湖石叢竹松葉梅花六種分題。

抗懷擬謝柴桑老不與凡柯共向榮 寫意騷
人吟不盡秋蘭終古只青青 我來徒訝未前
逢。玉削雲鏤相偃仰。却憶雲棲幽絕處。萬竿
綠玉夏仙韶。藜藿應須知此味。膏粱底用羨

他肥。姑射今朝真覩面。連林鄧尉不妨開。
分鈴寶。寓意于物。筆端造化。正有同春體道粹。
涵養。心清聞妙香。研露漱芳潤。烟雲舒卷。樂意
寓靜觀。繪月有色。水有聲。愛竹學心虛。涵虛朗
鑑。虛衷澈照。洗盡塵氛。爽氣來。至味寓澹泊。聊
以觀生意。吟詠春風裏。大塊假我以文章。清吟
寓遐思。几席有餘香。即事多所欣。乾隆宸翰。

鑒藏寶璽五福五代堂古稀天子寶。八徵耄念之

寶石渠寶笈所藏

御筆節書景福殿賦一卷

本幅宋牋本。縱八寸。橫一尺七寸五分。章草書。故將廣智。必先多聞。多聞多雜。多雜眩真。不眩焉在。在乎擇人。故將立德。必先近仁。欲此禮之不僞。是以盡乎行道之先民。朝觀夕覽。何與書紳。若乃階除連延。蕭曼雲征。櫺檻披張。鈎錯矩成。栢類騰蛇。栢似瓊英。如螭之蟠。如虬之傳。元軒交登。光藻昭明。騶虞承

獻素質仁形彰天瑞之休顯昭遠戎之來庭
陰堂承北方軒九戶右个清晏西東其宇連
以永寧安昌臨園遂及百子後宮攸處處之
斯何窈窕淑女思齋徽音聿求多祐其祐伊
何宜爾孫子克明克哲克聰克敏永錫難老
兆民賴上

節書景福殿賦鈐寶二忘機心宇曠乾隆宸翰

引首

御筆。心儀鍾索。鈴寶一。乾隆宸翰。
鑑藏寶璽。石渠寶笈所藏。

清漪園二

本朝臣工書畫

丁觀鵬畫十六羅漢 一卷

〔本幅〕宣紙本縱九寸五分橫七尺六寸白描
畫十六羅漢。款臣丁觀鵬恭繪。鈐印二。臣丁
觀鵬。

御題行書

大海湯湯浴烏兔。不風千丈波堪怖。有應真者

凡十六。遊戲於斯。亂而渡。偕問上人何自來。又復渡。將何處去。徒使天龍鞠脰迎。渤馬解牛紛作馭。神通即是不了義。莫若常向箇中住。觀鵬此日之雲鵬。又復氏族同為丁。疑是三生薰白業。解與淨土傳真形。五百羅漢我作記。未免綺語談三乘。此則二八不言說。有形無色神亭亭。記亦非多畫非少。如是如是忘所能。戊子仲夏月上澣。御題。鈴寶二。比德朗潤。

引首

御筆

示現神通

鈐寶一。乾隆宸翰

鑒藏寶璽

全七璽

靜明園

皇上御筆書畫

御筆西湖行宮八景詩 一卷

〔本幅〕宋牋本。縱一尺一寸五分。橫二尺二寸五分。行書。

西湖行宮八景。四照亭。臨孤山對葛嶺。山光塔影。倒漾明湖。舊有額曰雲峰四照。因以名亭。孤山最高處。更據聖湖中。峯色迴環翠花。

光澹蕩紅隄。虹遙飲練。波縠淨披風。方喜竒全。
攬翻牽興莫窮。竹涼處。叢篁深翳。夏玉攢
金。塵氛為之盡滌。目遙方過雨。意入更逢涼。
聲是夏寒玉。境還生靜香。萬竿籠日照。一線漏
天光。却羨山僧逸。坐消九夏長。綠雲逕。由
竹涼處。曲逕西行。喬柯竒石。目不給賞。雲氣時
起步屨間。逕紆探絕勝。森秀入蒼雲。苔迹時
留印。樵斤未許聞。濛濛濕鶴毳。濯濯潤螺紋。謝

傳東山好微嫌絲竹紛。瞰碧樓。樓俯全湖。
晴波綺縠。搖蕩兒牖。有一碧萬頃之概。覽景
不嫌高山樓瞰碧濤。雨晴皆合賞。俯仰更無勞。
洗滌塵氛氣。差排歌舞曹。悠然會心所。搗句亦
因豪。貯月泉。水月清光互相映。發平湖既
以標勝。山半一泓亦先得。月豈以大小殊觀。
乳竇貯天池。嫦娥小浴之一泓。清且淺。滿魄靜
相宜。未許魚龍混。還欣松桂披。廣寒合雲表。消

得夜眠遲。驚香庭。老桂森庭。宛然臯塗精
舍。爰取驚嶺天香句意。願之。山水清暉。蘊挺
生仙木芳。徒觀葉蔚綠。因憶粟堆黃。雅契惟期
月。專榮却待涼。何當秋宇下。滿意領天香。領
要閣。湖山幽邃。不可勝窮。畧觀大意。差領其
要。嵐靄朝晡碧。湖山趣不窮。一時期領要。千
古有高風。借問雙峰側。何殊六法中。惟觀其大
略。靖節許相同。玉蘭館。春巡至止。值辛夷。

盛放。即景紀勝。未知與輞川舊館何若。對峙
白琳樹。迎階為我開。判春標雅致。名館稱清裁。
一餉教神往。他時待客來。舉玉非摹蘭。自分謝
吟才。乾隆辛未暮春。南巡行次之作。宋晟最
艱致。詩非會心。不輕命筆也。御筆鈐寶三。書史
研求遵古訓。乾隆秀色入窓虛。

引首

御筆 情與境會 鈐寶一。乾隆宸翰

後幅董邦達水墨畫八景圖按景標名八分書

款臣董邦達奉


勅敬繪鈐印二臣邦達

御題行書。

為愛西湖上。行宮號聖因。圖來原恰當。構得宛
成真。鐘遞南屏韻。山標上竺皴。所輸波萬頃。却
便閱耕畝。右題聖因綜繪之作。靜明園西南
隅。地頗幽迥。略仿西湖行宮意。點綴亭榭命之。

曰聖因綜繪為園中十六景之一。既書聖因原作於前。復命邦達繪為此圖。而書綜繪詩於卷。皮藏其地。披圖對景。孰畫孰真。孰一孰二。孰遠孰近。固可渾然相忘耳。御筆鈐寶四。潑墨。乾隆幾暇臨池。

鑒藏寶璽。即事多所欣。讀書依竹靜。陶冶賴詩篇。懋勤殿鑒定章。乾隆御覽之寶。石渠寶笈所藏。



御臨王帖 一冊

〔本幅〕金粟牋本，十二幅，縱六寸，橫六寸二分。
草書。徂暑感懷深，得書知足下，故頓乏食。
差不耿耿。吾故爾耳，未果為然。力不具。王羲之。
月半念足下窮思深至，不可居忍。雨濕
體氣，各何如。參軍得針灸，力不甚懸，情當深
寬割。晴通省苦遠不具。王羲之白。長素差
不懸，耿不大佳也。得敬豫九日問。故遲近憂。

之深。十一月廿七日義之報得十四十八日二書。知問為慰。寒切比各佳。不念憂勞久懸情。吾食至少劣劣。力因謝司馬書不具。義之報得告承長平未佳善。得適適君如常也。知有患者。耿耿念勞心。食少勞甚。頓還白不具。王羲之再拜。足下小大佳也。諸疾苦憂勞非一如何。復得都下近問。不吾得敬和。廿三日書。無他。重熙住定為善。謝二侯太。

常故患脾。美俞體中可耳。僕射事已行。以表讓。未知恕不。未復司州。旨告懸竦。鄱陽歲使。應有書而未得。向所得萬書。委曲備悉。使人慨然。見足下乃悉知叔虎尅。昨發月半。略必至。未見勞參軍。省足下別疏。具彼土山川諸奇。揚雄蜀都。左太冲三都。殊為不備。悉彼故為多奇。益令其遊目意足也。可得果當告卿求迎。少人足耳。至時示意。遲此期真。

以日為歲。想足下鎮彼土。未有動理耳。要欲
及卿在彼。登汶嶺峨眉而旋。實不朽之盛事。
但言此心。以馳於彼矣。吾有七兒一女。皆
同生。婚娶以畢。惟一小者尚未婚耳。過此一
婚。便得至彼。今內外孫有十六人。足慰目前。
足下情至。委曲故具示。昨見君歡復無喻。
然未善悉。想宿昔可耳。脅中云何。一善消息。
德周轉勝也。耿耿疾患小差。與宏遠俱詣遲。

共寫懷王義之。荀侯佳不。未果就卿深企
懷耳。安西音信。那遇得歸洛也。計介解有懸
休尋。知君當有分住者。念處窮毒而復分
平。尚可居情。想反理斷當。知彼清晏歲豐。
又所使有無鄉。故是名處。且山川形勢乃爾。
何可以不遊目。朱處仁今所在。往得其書。
信遂不取荅。今因足下荅其書。可令必達。
愛為上。臨書但有惆悵。知足下行。至吳欲達。

彼鹽井火井皆有不足下目見不為欲廣
異聞具示

壬申二月望前。雜臨右軍帖。御筆。鈐寶三。乾隆
宸翰。烟雲舒卷。意在筆先。

鑒藏寶璽。古希天子五福五代堂古稀天子寶。八
徵耄念之寶。石渠寶笈所藏。

御筆書畫合璧 一冊

本幅金粟牋本。十對幅。每幅縱八寸七分。橫三寸五分。第一幅。

清娛宛在。鈴寶三。如水如鏡。得象外意。乾隆宸翰。中十幅水墨畫。一蘭蕙。二芷蒲。三枯樹。四竹。五松。六水仙。七石。八蘭花。九枯木。十梅花。分題。

鳥道黃緣上。微風蘭蕙馨。芷浪蒲風環繞州。

森秀入蒼雲。蔥蒨交風枝。似掃行人跡。

謖濤無定響。偃蓋有奇形。雪積成清友。梅疎

得幻身。技養玲瓏竅。憑吹金石吟。叢蘭經

雨送馨多。老幹千年赦斧斤。生香繞樹雪

迷路。每幅分鈴寶。幾暇臨池聊以觀。生意化工

四氣為全施。寫生中心止水靜。垂露研露幾暇

怡情。得佳趣。寫心几席有餘香。天地為師德充

符。會心不遠。筆端造化潑墨。寓意于物。叢雲心

清聞妙香來青軒。乾隆游六藝園對幅行書

高飛迴雁下沙汀。遠帶瀟湘音渺冥。最是推篷

望漁火。分明烟嶼點疎星。船窓夜雨之一。綠波春水

飲長虹。錦纜徐牽碧鏡中。真在橫披圖裏過平

山。迎面送香風。虹橋。碧草新蕪接驛樓。金山迴

望鏡中浮。詩人月旦非唐突。第一江山果潤州。

潤州道中之一。湍激波迴萬狀聲。今來練影益晶明。

應緣畢獻山靈拔。無不相宜雨與晴。千尺雪即景之一。

匪伊垂之玉有條。兩湖春水綠如澆。印公豪

效蘇公物。飛作吳中第一橋。

寶帶橋作

春草碧色

水綠波。遙看吳岫濯青螺。此間誰是相宜者。聞

道前人有志。

和鶯脰湖詞之一。

橫塘十里盡桑麻。漂

絮縹絲共作家。舞榭綺羅都出此。吳儂慢笑不

栽花。

嘉興道中之一。

三面山光各一湖。烟中東指宋

時都。而今設問林和靖。定道孤山會不孤。

西湖嬉春

詞之一。

竹徑延緣勝。賞探流觴曲水。淥波涵何

妨修禊日過五且喜行春月正三。蘭亭雅集鏡

涵春水一篙深。白芷青蒲刺碧潯。却怪橫峰礙

蘭棹。雞籠晴翠落波心。元武湖即景之一每幅分鈐

寶吟詠春風裏。用筆在心。繪月有色。水有聲。秀
色入窓虛。烟雲舒卷。取益在廣求。涵虛朗鑑。陶
冶賴詩篇。即事多所欣。滿紙雲烟。忘機心宇曠。
筆花春雨。乾隆宸翰第十幅。

御識。

向愛趙吳興寫意小冊去夏南巡迴棹舟中曾
戲仿一過即錄途次絕句其後頃於幾暇乘興
復成此冊因并錄舊作追憶曩遊倏將經歲水
光山色恍在目前他日再至江鄉當更為點筆
書紀行新句也 壬申二月御筆鈐寶二乾隆
宸翰歡喜圖

鑒藏寶璽 靜明園寶 石渠寶笈所藏

御臨王帖 一卷

〔本幅〕金粟牋本。縱五寸八分。橫一尺七寸。草書。

臨王羲之三帖。諸從並數有問。粗平安。唯修感在遠。音問不數。懸情。司下所云。皆盡事勢。吾無間然。諸問想足下別具。不復具。胡母氏從妹平安。故在永興居。去此七十也。吾在官諸理極差。頃以復匆匆。來示云。與其婢問來。

不得也。義之頓首。不復見君。甚有思想得
告慰之故。苦乏氣。魚欲瘳下。憂深。小佳。刻面
王義之。


壬申二月。御臨分鈐寶。至味寓澹泊。朝日煇研
露。清吟寄遐思。和順積中。得象外意。乾隆宸翰。

引首

御筆 企聖 鈐寶 一 乾隆宸翰

鑒藏寶璽。古希天子。八徵耄念之寶。石渠寶笈所

歲。



御筆畫竹石 一卷

〔本幅〕金粟牋本。縱五寸八分。橫一尺六寸六分。水墨畫文石。穉竹。并題。

青牛經雨莓苔潤。綠鳳因風韶濩鏗。冰雪雅懷深契處。介然靜復灑然清。壬申春仲偶製。并書舊句。鈐寶三。幾暇怡情得佳趣。筆花春雨。

引首

御筆。清古。鈐寶一。乾隆宸翰。

鑒藏寶璽古希天子八徵耄念之寶石渠寶笈所
藏。

御筆畫古松 一卷

〔本幅〕金粟牋本。縱五寸八分。橫一尺六寸六分。水墨畫松一株。并題。

讓竹稱君子。無松不大夫。豈隨春作態。直與古為徒。勁幹天邊倚。真聲靜裏輸。不因人作止。信矣德充符。乾隆壬申春仲偶製。并書舊作。鈐寶四。乾隆筆端造化。天地為師。

引首

御筆。古心。鈴寶。乾隆宸翰。

鑒藏寶璽。古希天子。八徵耄念之寶。石渠寶笈所
藏。

御筆寫生 二冊

〔本幅〕金粟牋本。二冊。每冊十二幅。縱五寸九分。橫六寸二分。水墨畫。上冊。一雞。二萱花。三荷花。四魚藻。五菱實。六蝦蟹。七雞冠花。八茄瓜。九瓜。十茭菜。十一金蓮花。十二兔。下冊。一鵲。二辛夷。三蚌蛤。四香櫟。五藕。六蟹。七葡萄。八菜藤。九蝴蝶花。十榴實。十一鴨。十二貓。分題。養老宜時畜。將雛念伏鷗。泥露金英秀。含暉。

翠帶長。亭亭出塵外。淨植本天然。遊知莊
叟樂。夢叶大人占。出水雙垂角。加邇獨折腰。
澗溪時一躍。沙草漫橫行。駐顏如渥赭。白
帝有金丹。園官憑賜紫。畦叟笑垂銀。不須
誇五色。端可挹三漿。渤海思賢守。元都謝列
仙。秀擢清涼境。根移禁苑中。東郭傳韓筆。
中林首國風。每幅分鈴寶。天地為師如。如水鏡。
筆花春雨研。露聊以觀生意。中心止水靜。忘機

心宇曠澄觀。潑墨水月兩澈明。千潭月印筆端
造化入眼秋光盡。是詩會心不遠。比德朗潤。至
味寓澹泊。得象外意。幾暇臨池。几席有餘香。得
佳趣。幾暇怡情寫生。漱芳潤。剎水月在手。意在
筆先。右上方寫鴿。當得其馴擾之性。非如野禽。
但取無人態。含韻齋辛夷最盛。去春西湖行
館。亦一見之。聊為寫照。此中具佛菩薩性。乃
至閉口護殘汴。仁者能無興哀。不獨以其能育

明珠也。書法以古釵脚屋漏痕為上。折枝亦當以此法行之。謝華取實。正覺墜粉猶香。草泥郭索。乃為稻粱之謀。不知半殼含黃。或已朶頭其後矣。架上一枝。有百尺龍蛇之槩。戲擬舜舉三蔬之一。露華香欲醉。於熙荃膠粉外。別有用意。鸚鵡啄殘紅豆顆。擬宋人法。春江水暖鴨先知。踞伏蓄威。雙眸晶光燦。燦當與高眠衲禪者有間。每幅分鈐寶。澄觀得。

象外意。筆花春雨。太朴古香。如水如鏡。中心止水。
靜。含輝朗潤。意在筆先。生秋庭。寫生齊物。中和。
德符叢雲。幾暇怡情。桑麻藝植。愛幽風。落花滿。
地。皆文章。潑墨得佳趣。滿紙雲烟。寓意于物。會。
心不遠。筆端造化。天龍三昧。如如。

前副葉

御筆 皆有生意

冊上

生趣活潑

冊下

分鈴寶乾

隆宸翰

後副葉

御識。

沈周創意為潑墨寫生。於沒骨白描諸法外。別具神韻。其無色中有色。可神遇而不可以筆墨求也。幾暇輒用其體為之。卉蔕羽毛。各盡變態。聊寄靜觀自得之趣云。乾隆壬申御筆鈐寶二。

乾隆宸翰。秀色入窓虛。

冊上

靜寄山莊駐蹕之次。登覽多暇。輒用臨池法寫。

生為華為實。為枝蔓為禽鳥。為介族隨意成十
二幅。非與藝苑競長。聊志靜中觀物之一得耳。

壬申仲春御筆鈐寶二。乾隆

下冊

鑒藏寶璽。古希天子八徵耄念之寶。石渠寶笈所
藏。

御筆畫梅花一卷

本幅金粟牋本。縱五寸八分。橫一尺七寸二分。水墨畫梅花一本。款。

壬申二月之望。畫禪室裏製。鈴寶三。乾隆。摘藻
為春并題。

禿兀寒梢。蟲曉風。廣平鐵石。幹元功。剗殺黍谷
陽迴處。消息傳來。破蕾紅。鈴寶一。研露。

御筆。

疎香。

鈐寶。

乾隆宸翰。

鑒藏寶璽。古希天子八徵耄念之寶。石渠寶笈所藏。

御書柳宗元梓人傳 一冊

〔本幅〕金粟牋本。十二幅。縱六寸。橫六寸二分。

草書 柳宗元梓人傳 見淳化軒所藏饒介書韓愈柳宗元文

卷款

乾隆壬申暮春之望御筆鈐寶四意在筆先研露乾隆宸翰得象外意

〔鑒藏寶璽〕古希天子。五福五代堂古稀天子寶。八徵耄念之寶。石渠寶笈所藏。

御臨十七帖 一冊

本幅金粟牋本。十二幅。縱八寸七分。橫八寸五分。草書。

臨王羲之十七帖。十七日先書郝司馬未去。即日得足下書為慰。先書以共示復數字。吾前東粗定作佳觀。吾為逸民之懷久矣。足下何以方復及此。似夢中語耶。無緣言面為歎。書何能悉。瞻近無緣省告。但有悲歎。足下

大小悉平安也。云卿當來居此。喜遲不可言。
想必果言告有期耳。亦度卿當不居京。此既
避。又節氣佳。是以欣卿來也。此信旨還具示問。
龍保等平安也。謝之。甚遲見卿舅可耳。至
為夢隔也。知足下行至吳會。遠離不可。
叔當西邪。遲知問。計與足下別廿六年。於
今雖時書問。不解濶懷。省足下先後二書。但
增歎慨。頃積雪凝寒。五十年中所無。想頃如

常冀來夏秋間。或復得足下問耳。比者悠悠。如何可言。吾服食久。猶劣劣。大都比之年時。為復可耳。足下保愛為上。臨書。但有惆悵。

去夏得足下致筇竹杖。皆至。此土人多有尊老者。皆即分布。令知足下遠惠之至。今往。絲布單衣。財一端。示致意。足下今年政七十耶。知體氣常佳。此大慶也。想復懃加頤養。吾年垂耳順。推之人理。得爾以為厚幸。但恐前

途轉欲逼耳。比爾要欲一遊目汶領。非復常
言。足下但當保護以俟此期。勿謂虛言。得果
此緣一段奇事也。省別具足下大小問為
慰。多分張。會足下懸情武昌。諸子亦多遠宦。
足下兼懷。並數問不老婦。頃疾篤。求命恒憂
慮。餘粗平安。知足下情至。旦夕都邑動靜。
清和。想足下使還具。時州將桓公告慰情。企
足下數使命也。謝無奕外任數書問。無他。仁


祖日往言尋悲酸。如何可言。諸從並數有
問。粗平安。唯修載在遠。音問不數懸情。司州
疾篤不果西。公私可恨。足下所云皆盡事勢。
吾無間然。諸問想足下別具不復言。胡母
氏從妹平安。故在永興居。去此七十也。吾在
官諸理極差。頃以復匆匆。來示云與其婢問
來。信不得也。知足下所疏云此菊佳。可為
致子當種之。此種彼胡桃皆生也。吾篤喜種

菊今在田里唯以此為事故遠及足下致此
子者惠也。得天下梅。蜀胡桃藥二種。知足
下至戎鹽乃要也。是服食所須。知足下謂須
服食。方回近之未許。吾此志。知我者希。此有
成言。無緣見卿。以當一笑。省足下別疏。具
彼土山川諸奇。揚雄蜀都左太冲三都。殊為
不備。悲彼故為多奇。益令其遊目意足也可
得果。常告卿求迎。少人足耳。至時示意。遲此

期真以日為歲。想足下鎮彼土。未有動理耳。
要欲及卿在彼。登汶領峨眉而旋。實不朽之
盛事。但言此心。以馳於彼矣。嚴君平司馬
相如。楊子雲。皆有後不。彼鹽井火井。皆有
不足。下目見不。為欲廣異聞。具示。

壬申三月望。御筆臨於三希堂。鈐寶三。意在筆
先。乾隆御筆。摘藻為春。

鑒藏寶璽。靜明園寶。石渠寶笈所藏。



御筆演連珠 一冊

本幅金粟牋本。十幅縱六寸橫五寸三分行
書。臣聞日薄星回穹天所以紀物山盈川
冲后土所以播氣五行錯而致用四時違而
成歲是以百官恪居以赴八音之離明君執
契以要克諧之會臣聞任重於力才盡則困
用廣其器應博則凶是以物勝權而衡殆形
過鏡則照窮故明主程才以効業貞臣底力

而詞豐。臣聞靈輝朝覲。稱物納照。時風夕灑。程形賦音。是以至道之行。萬類取足於世。大化既洽。百姓無匱於心。臣聞鑒之積也。無厚而照。有重淵之深。目之察也。有畔而眈。周天壤之際。何則。應事以精。不以形。造物以神。不以器。是以萬邦凱樂。非悅鐘鼓之娛。天下歸仁。非感玉帛之惠。臣聞應物有方。居難則易。藏器在身。所乏者時。是以充堂之芳。非幽蘭


所難繞梁之音實繁絃所思臣聞智周通塞
不為時窮才經夷險不為世屈是以凌飈之
羽不求友風耀夜之目不思倒日臣聞郁烈
之芳出於委灰繁會之音生於絕絃是以貞
女要名於沒世烈士赴節於當年臣聞赴曲
之音洪纖入韻蹈節之容俯仰依詠是以言
荀適事精粗可施士苟適道修短可命臣聞
因雨灑潤則芬澤易流乘風載響則音徽自

遠。是以德教俟物而濟榮名緣時而顯臣聞
覽影偶質不能解獨指迹慕遠無救於遲是
以循虛器者非應物之具翫空言者非致治
之機臣聞鑽燧吐火以續湯谷之晷揮翮生
風而繼飛廉之功是以物有微而毗著事有
瑣而助洪臣聞性之所期貴賤同量理之所
極卑高一歸是以淮月稟水不能加涼晞日
引火不必增輝臣聞絕節高唱非凡耳所悲

肆義芳訓。非庸聽所善。是以南荆有寡和之
歌。東野有不識之辨。

乾隆癸酉秋九月。行圍木蘭虎帳。餘閒偶錄陸
士衡演連珠十三首。御筆鈐寶三。如水如鏡。乾
隆宸翰。研露。

鑒藏寶璽石渠寶笈所藏



御筆賦得大車檻檻并序 一卷

本幅蠟牋本。縱一尺八分。橫二尺七分。行書。

賦得大車檻檻

得還字八韻有序

詩小序云大車刺

周大夫也。謂陳古以刺今大夫不能聽男女之

訟。毛傳鄭箋多從之。朱子集傳則謂周衰大夫

猶有能以刑政治其私邑者。故淫奔者畏而歌

之。仍本小序而略變其說。惟端木詩傳謂周人

行役而訊其室家。賦大車又魯申培詩說謂大

車周人從軍寄其室家之詩二說似得正解。按小雅出車勞還率也。通篇皆述其行役之苦以慰勞之。此篇一則曰豈不爾思畏子不敢再則曰豈不爾思畏子不奔與出車篇豈不懷歸畏此簡書意正相類。其曰穀則異室死則同穴亦猶邶風擊鼓篇死生契濶之義。若作男女淫奔解則生既異室死安得同穴乎。又毛傳謂大車大夫之車毳衣大夫之服。孔疏因釋為大夫乘

大車服毳毼巡邦國以決訟失之拘矣蓋大車
即采薇篇之戎車而毳衣之如茨如璫乃侈陳
服飾之盛亦猶采薇之詠及弭服出車之詠及
旗旐耳且大夫治軍旅原有兼將率者即以此
為形容大夫車服亦無不可第不必如傳疏之
泥於聽訟之解也若夫出車篇敘及艱難況瘁
乃上人之體恤下情代為詳述非若擊鼓詩人
之自陳危苦正雅之異於變風者以此又如周

公東山之詩。閔東征者而作為之歌詠。勞苦得
乎性情之正。故能使上下心志交孚。所以為盛
降及後世。如杜甫兵車行。新婚垂老諸別。則在
下愁苦哀怨之音。意主諷刺。而非溫厚敦柔之
遺矣。且古者寓兵於農。戰陣非其專習。或不免
以調遣為苦。漢以後兵民既分。設兵備用。荷戈
乃分內之事。尤不宜稍涉愁嘆。如出車之篇。憂
心悄悄。鄭箋謂其臨事而懼。誠非過論。呂祖謙

乃云古者出師。命下之日。士皆泣涕。此書生迂
儒之見。不值一噓。而綠營士卒畏慙不前。聞出
軍而色變。往往如此。宋明之兵氣。蕭弱。以至於
亡。職是故耳。若我滿洲。習尚則不然。聞有征調
之事。踴躍請行。每以不得列名兵帖為恥。故用
之所向。克捷。洵非前代委靡之兵所能及。然八
旗風氣固純。亦貴乎培養而振作之。億萬年保
泰。求安之遠圖。無有重於此者。茲以朝考新進

主舉此命題。即取子貢詩傳義。賦成八韻并引
申為序。大暢厥旨。而予適日昃捷之殷。懷亦即
於是詩三致意焉。風雅夥章句。宣尼三百刪。
序家多有異。聖意鮮能閑。檻檻大車詠。萋萋小
雅嫻。毳衣行役訊。擊鼓從軍艱。契濶誰弗念。賢
勞我亦關。征番實非已。望捷刻無閒。近穴當擒
兔。犁庭等艾菅。紅旗佇將至。指日凱歌還。丁
未仲夏三月上澣御筆鈴寶二。乾隆。

引首

御筆 賡闢勞還。鈴寶一。乾隆御筆
鑒藏寶璽。石渠寶笈所藏。

御筆玉泉山天下第一泉記一卷

〔本幅〕宋牋本縱九寸八分橫一尺九寸行書
玉泉山天下第一泉記。水之德在養人其味
貴甘。其質貴輕。然三者正相資。輕者味必甘。飲
之而竭。疴益壽。故辨水者恒於其質之輕重分
泉之高下焉。嘗製銀斗較之。京師玉泉之水斗
重一兩。塞上伊遜之水亦斗重一兩。濟南珍珠
泉斗重一兩二釐。揚子金山泉斗重一兩三釐。

則較玉泉重二釐或三釐矣至惠山虎跑則各
重玉泉四釐平山重六釐清涼山白沙虎邱及
西山之碧雲寺各重玉泉一分是皆巡蹕所至
命內侍精量而得者然則無更輕於玉泉之水
者乎曰有為何泉曰泝泉乃雪水也常收積素
而烹之較玉泉斗輕三釐雪水不可恒得則凡
出山下而有冽者誠無過京師之玉泉昔陸羽
劉伯芻之倫或以廬山谷簾為第一或以揚子

為第一惠山為第二雖南人享帚之論也然以輕重較之惠山固應讓揚子具見古人非臆說而惜其不但未至塞山伊邈並且未至燕京若至此則定以玉泉為天下第一矣近歲疏西海為昆明湖萬壽山一帶率有名泉溯源會極則玉泉實靈派之發皇德水之樞紐且質輕而味甘廬山雖未到信有過於揚子之金山者故定名為天下第一泉命將作崇煥神祠以資惠濟

而為記以勒石夫玉泉固趵突山根蕩漾而成
一湖者詩人乃比之飛瀑之垂虹即予向日題
燕山八景亦何嘗不隨聲云云足見公論在世
間誰辭亦在世間藉甚既成雌黃難易泉之於
人有德而無怨猶不能免訛議焉則挾德怨以
應天下者可以知懼抑亦可以不必懼矣 此
文既以勒石適得宋牼復手書成卷藏之玉泉
山之竹鑪山房乾隆御筆鈐寶四乾隆宸翰如

水如鏡。匊水月在手。研露

引首

御筆。靈液滋。鈴寶一。乾隆宸翰

鑒藏寶璽五福五代堂古稀天子寶八徵耄念之
寶寓意于物用筆在心石渠寶笈所藏

御臨索靖書史岑出師頌一卷

本幅金粟牋本縱五寸七分。橫一尺七分。章
草書。出師頌。史孝山。芒芒上天降祚
有漢兆基開業。人神攸贊。五曜霄映。素靈夜
歎。皇運來授。萬寶增煥。歷紀十二。天命中易
西陵不順。東夷邁逆。乃命上將。授以雄戟。桓
桓上將。實天所啟。允文允武。明詩悅禮。憲章
百揆。為世作楷。昔在孟津。惟師尚父。素旄一

麾渾一區宇。蒼生更始朔風變。楚薄伐獫狁。
至于太原。詩人歌之。猶歎其艱。況我將軍窮
城極邊。鼓無停響。旗不整褰。澤露遐荒。功銘
鼎鑄。我出我師。于彼西疆。天子餞我。路車乘
黃。言念伯舅。恩深渭陽。介圭既削。列壤酬勲。
今我將軍。啟土上郡。傳子傳孫。顯顯令問。
索靖章草。在當時。即有銀鈎蠅尾之目。信臨池
正宗也。御臨鈴寶三墨雲。乾隆宸翰用筆在心。

引首

御筆

祖隸

鈐寶

乾隆宸翰

鑒藏寶璽古布天子八徵耄念之寶石渠寶笈所
藏

御臨董其昌書王維詩 一卷

本幅金粟牋本。縱五寸八分。橫一尺六寸八分。分行書。

臨董其昌書王維送友人歸山歌 見重華宮所藏

其昌書款
唐詩卷

送友人歸山歌。御筆臨董其昌。鈐寶三。天地為師。筆花春雨。乾隆宸翰。

引首

御筆

韻勝

鈴寶一乾隆宸翰

鑒藏寶璽古希天子八徵耄念之寶石渠寶笈所

藏